

天下郡國利病書

三二

天下圖書有限公司

100

浙江下

備錄

嘉興府志 國初凡竈丁皆發團煎鬻正統中侍郎周忱始議分附場為  
濱竈遠場為水鄉竈濱竈鬻鹽水鄉竈出工本米後濱竈逋課累水鄉改  
議水鄉自納折色鹽銀設百夫長集收百夫長往過徵竈為之困成化  
末都御史彭韶改議水鄉竈盡歸民役其折色銀歸糧耗帶徵濱竈丁缺  
補以曠丁不足補以水鄉初三場各有草蕩若干頃竈戶既給鹵地復給  
草蕩煎鬻易辦自鄉竈歸民原撥草蕩乃立蕩戶歲征其入曰蕩價三場  
各設收頭征之欺弊視百夫長尤甚嘉靖中有司改議蕩價併歸秋糧而  
水鄉蕩盡給濱竈然於竈雖優而民則病矣昔商人中鹽一引才輸邊粟  
二斗五升恒操其贏竈戶辦鹽一引給工本鈔一千五百文可易米一石  
故課易辦鹽有餘積民戶口得於運司支口食鹽自給有司固征其入曰  
鹽糧自鈔法不行竈戶日以耗散商人每引增至銀二兩口食鹽亦不復

給商民蓋交病之然鹽口之稅官吏每口一十二觔市民六觔每觔納鈔一貫鄉民二觔二兩五錢每觔納米四升三合二抄五撮鹽雖不給而原額固在有司併其額入稅糧內帶徵食鹽廢而私鹽日熾矣有司知其原復其舊制草蕩以歸竈不以稅民鹽口以惠民不復併稅則私鹽息而商利倍遺儲尚亦有賴哉

府境之水其大者三曰漕渠

俗呼運河

曰長水塘曰海鹽塘而漕渠最大隋大

業庚午煬帝發衆鑿渠擬通龍舟起餘杭蓋京口廣十餘丈勝千斛之舟

本朝用為孔道入府境歷崇德桐鄉秀水三縣凡一百二十七里西南

自湖之德清縣金鷺鄉界二十五里至崇德穿縣壕北出又二十里至石

注一

門塘折而東彎環如帶曰玉灣

春秋吳越置石門限處今桐鄉縣二十五里東北隸本縣西北隸崇德居民互市于

此亦名石門市 入桐鄉境一十八里注二東逕皂林市在清風鄉古皂林寺西 宋置石門鎮 有元將路成營 本朝

大將軍徐達討張士誠獲其俘六萬于此今皂林巡簡司及館驛便民倉及皂林驛在焉今嘉靖甲午始徙驛于縣治西南 又東二十

五里入秀水境又東三十里達府城出杉青閘在縣北五里宋嘗置吏有解宇及落帆亭北有百

步橋今置受穆溪水在縣東北四里水接上谷湖入太湖為北漕渠俗呼北運河又二十三里為

王江涇在漕渠之東相傳王氏江氏居楮于此亦名閩川東三里為閩家湖宋閩人氏家焉相傳閩人尚書

而佚其名川上有閩川市亦名王江涇市舊在官塘之東宋徙置塘西有王江涇巡簡司東北界于吳江長水塘之

水源自海寧諸山出峽石東北流二十里出吳老橋入嘉興縣境東過練

塘在縣南二十五里一名練浦吳王練兵之所東南通海鹽之橫塘其支流北注秀水西界之幽湖在縣西南

四十又北十里入桐鄉界之濮院鎮而合於漕渠其正流三十里至城南

瀦為鴛鴦湖在縣南三里湖東有煙兩樓五代時中吳節度使景陵王錢元璣築臺為登眺之所以其在府治之南又謂之南湖云

又支流東北三里為螺潭在秀水縣南五里與鴛鴦湖水並匯于彪湖在縣南二里一名馬

場湖中有濠股塔其一北經宣公橋循城而北與秀水合並會于北渠分流入相

家湖又東北十五里其一北流入嘉興境之蘆墟塘在縣西三里又東北二

十七里入吳江界其一東流為茜溪在縣北一十二里十六里北流為斜塘在縣北二

十四里一名平川一名西塘村落甚衆有陶庄稅課局又北流二十里入吳江界其一東北流四十

里合王宿潭北九里港俱在縣西北二十四里諸水入祥符蕩在縣北二十四里東北

流十里入吳江界一自熙春橋一名衙前橋在縣東二百步東行八里至鳳凰洲中涇

天馬今呼西馬今呼東馬雙溪會龍諸橋之北為六里街人煙物貨至集倍於

城中鳳凰洲逆流中據分會龍以東之水南曰漢塘北曰華亭塘漢塘唐太

和七年所鑿東入平湖縣境行五十餘里為市西河與漢塘接至新豐十東經注三

縣治又東三百步入當湖，即漢武原縣，陷為湖者周四十餘里。又東三十

里入柳港。東北至廣陳二十七里歸于東柳，接華亭界。按韻書：柳即華亭水也。祥符

廣陳又東至當湖，又東至捍海塘而止。朱伯原續吳郡圖經：柳在華亭境，海鹽蓋漚浦，行二百餘里，南盡於浙江，即谷柳之故道也。又云：自柳而上

縈達百餘里，曰長柳陸道。吳地記：海鹽東北二百里有長谷，即谷柳也。今按本縣舊隸海鹽圖經，惟本縣有華亭鄉，之南即當湖，之東北有柳

港，蜿蜒至於橫柳，此為本邑之柳也。其柳橋三柳，則在今華亭縣界。然當湖乃柳所自出，柳港橫柳為三柳之上流，雖有谷柳長柳上中下三柳之

殊其實皆一柳流通也。廣陳東至當湖，東字當作西字。華亭塘入嘉善縣境，東北行三十里，經縣

治前，南合白水塘。在縣南一十二里舊廟塘。在縣南一十二里大雲塘。在縣南二十里又東二十四

里入華亭界，又自縣西南分華亭塘水，遶縣治後而東十二里，曰魏塘河。

亦名武塘，前與太平河會流，南入華亭塘，東入葛蒲塘，又自縣西半里，曰

伍子塘，南引胥山以北之水，北經雙葑港，平山塘，會西塘。在縣北二十四里，有西塘鎮。



入祥符蕩稍東為葛蒲涇在縣東北三里北經胡膝塘葉蕩又東經張涇

滙在縣東十二里蓮花涇在縣東十八里北會風涇之白牛塘在縣東北二十四里查家蕩在縣東北二十

六里祥符葉蕩諸水俱會於章練塘在縣北三十六里風涇之水又東為秀州塘折

而北過柳橋與章練塘之水皆入于泲一自東郭湖西經麟湖在縣西里與秀

水縣分屬有東西二湖俗呼東曰六百畝蕩西曰千畝蕩北流于夏墓蕩在縣西北三十里下保西區又北達于汾

湖北入山湖海鹽塘之水發源于海鹽西南境澉浦諸山合流東北二

十五里為橫塘即海鹽塘又三里入嘉興縣境為彪湖

海塘去郡城百里而遠巨海鹽平湖二縣之境延袤百七十里南與會稽

四明相望舊志載秦始皇於此嘗欲架橋跨海今有石突屹海中者今猶

指為橋柱云宋志海鹽東南五十里有貯水陂南三里有藍田浦東三里

有橫浦東通顧邑南入海又有三十六沙九塗十八岡及黃盤七峰布列  
海墻今縣治去海僅半里舊陂塘之迹悉淪于海而金山相去益遠潮汐  
自龕楮上潭洄流激射海寧黃灣境至秦駐白塔間勢復湧撼游濤乘風  
壞民廬傷禾稼為全吳憂堤議亟唐開元築太平堤歷宋紹興間海益令  
丘未築堤二十里咸平間轉運使常楙築新塘三萬六千二百五十尺元  
至正甲辰縣令顧泳築捍海塘四萬八千尺而塘故土堤易壞由是桑田  
漸為海明興奠海之政益詳而堤顧數圯洪武三年詔宋署令治堤  
易土以石凡二萬三千七百尺後十七年是堤竟以潮潰本司叅議闞察  
發民丁築之未幾復潰詔右通政趙居任發蘇松等七郡民增築之隨  
復潰洪熙宣德間役無寧歲巡撫侍郎周忱謂石堤內虛乃築土五丈實  
其裡募郡民七百人部分築之按堤尺度俾分護樁石嚴其禁防歲以為

常未十年海大溢塘悉潰知府黃懋以聞詔懋為復堤堤凡糜銀三十  
九萬八千兩有奇越十有九歲景泰甲戌又潰僉事陳永因舊址更為新  
堤成廣百二十尺高什之二糜銀視舊損什之三後十有八歲海大溢  
堤盡圯民溺死者無筭時叅政邢簡僉事趙銘因遺石修築之不甚堅自  
是毀敗數修民多困殆流移久之憲副楊瑄倣宋王荆公治鄞時定海塘  
法砌石坡陀以殺潮勢內實磊石以防內潰堤竟完好先是郡歲貯堤費  
銀七千有奇有司操其奇贏土民以興築為利輒盜取椿石去冀速圯當  
事者巡省不時不覩其風濤蕩激之狀楊堤固堅久不加葺治餘十年亦  
竟潰弘治戊申侍郎彭韶按視海邦檄郡募工令通判蹇寔知縣譚秀起  
藍田北抵丫叉為堤九千餘尺植椿疊石外縱內橫以漸坡陀畧如楊法  
下廣一十五丈上廣三之二高十有八尺內實土如其高役夫二萬五千

人糜銀四萬五千兩後十餘年海溢堤決龍王廟知縣王璽修築餘二百尺癸未秋潮大作泛濫百里舊堤悉圯督水郎中林文沛究所圯堤無慮數十處而王所修獨存乃按王所築法擇方石縱橫交錯補葺諸圯自丫叉口南抵宋庄所築凡一萬三千七百尺後十歲僉事蔡時立分地程工法度堤丈尺酌勢煩易配以里甲使人自為力期以三歲會成增補教場堤亦一千七百尺大都海塘受惠東北風為烈而天闕迤南當其衝教場迤北勢差緩矣正德以來天闕外堤毀撤而內堤獨當其衝勢甚單予夏浚知海鹽議作複堤蓋即以今之內堤作外堤也因條八事竟弗克施後僉事黃光昇通約前法築堤志勤力殫續用可述按海堤自金山內徙漸及百里濱海居人值三秋大迅潮天連雨東北風張甚或山擡海咻海人驗候云山擡風潮來海咻風雨多皆不誣擡謂海中素迷望之山忽皆在目咻讀如嗟萬喙聲也海鷗啾啾鳴或是年後小

至七日逢壬輒憂海溢余聞海人言為之惻然余嘗遊會稽觀湯守紹恩  
 所築三江隄植址滄溟橫亘千尺未嘗不嘆其奇詢諸父老輒言湯守之  
 誠懇竟以集事然其事大類朱子築黃巖塘法用鐵為盈丈巨盤置之潮  
 衝潮至盤所輒不復作豈金固止水物耶今龕楮以東海壩墳起五十里  
 餘姚蘭風諸鄉海水比却亦十許里具可種藝明越海堤宋元以前修治  
 最數入國朝來工役頓有實大勢致爾鏡觀乘除陵谷轉徙則郡境捍  
 海之後亦安知後此無息肩時邪

見... 南... 蘇... 本... 卷... 一... 萬... 三... 千... 六... 百... 八... 十... 餘... 年... 存... 蘇... 氏... 家... 藏... 書...  
 蘇... 氏... 家... 藏... 書... 蘇... 氏... 家... 藏... 書... 蘇... 氏... 家... 藏... 書... 蘇... 氏... 家... 藏... 書...  
 蘇... 氏... 家... 藏... 書... 蘇... 氏... 家... 藏... 書... 蘇... 氏... 家... 藏... 書... 蘇... 氏... 家... 藏... 書...  
 蘇... 氏... 家... 藏... 書... 蘇... 氏... 家... 藏... 書... 蘇... 氏... 家... 藏... 書... 蘇... 氏... 家... 藏... 書...

海鹽縣志食貨篇 凡賦役以戶口田土編里甲出稅糧與泛差其正也  
稅糧改為增耗為均則泛差改為甲首錢為均徭為條鞭銀與今之為均  
甲為歛解其變矣而課程而鹽課又其餘焉凡此皆東南所同寧獨余邑  
法之弊遞相為救而漸調於平者率漸畸於重數十年來有一厘改定有  
一增派征歛之日繁亦時勢所必趨也茲以歛若數及諸所條議備著於  
篇雖在一邑乎柁即國槩可推已儻亦經國君子所必采究者焉

戶口 戶口隱漏為當今宇內通弊不獨東南然也迺東南隱漏所繇獨  
多者又自有說 國初編審黃冊以人戶為主凡一百一十戶為一里  
長之就後以丁數多寡為次是賦役皆以丁而定丁之查覈安得不明也  
後漸參驗田糧多寡不專論丁而東南開墾益多地利逾廣其勢不得不  
畸重田畝以愈派里役於是黃冊之編審皆以田若干為一里不復以戶

為里人丁之附田以見者盡花分詭寄之人所捏造而非真名滋生者不入冊烏有者終游移至田去名存無人頂認而籍滋脫漏之奸民增賠贖之累矣此江北之以丁定差者今尚有真戶籍江南之以田定差者今弊無實口數弊所為獨甚也

勾軍 萬曆四十三年御史李公和華通行浙省將軍戶分為七款一為有軍在衛並無繼丁在籍一為丁盡戶絕止存軍產一為丁盡戶絕向存戶名未除一為原註奏豁近經辨豁一為新軍全家赴衛本籍並無戶丁一為新軍雖有戶丁在籍不係在衛所生以上六款備將畧節刻為書冊銷除遇勾照冊回覆其有軍在衛有丁在籍者自為一款另給循環簿稽查以備勾補其檄文曰勾補軍丁在國家為必不可廢之法在民間為大不忍聞之事 祖宗朝嘗遣清軍御史巡行天下專勅清查民間紛然不

勝困累。今上二年，允廷臣奏請始罷專遣，而并歸本院，蓋欲與百姓休息德意。四十年間，確守成憲，非奉單不行勾，非造冊不歲清，似若令小民去湯火而奠衽席，而惡知本原之地未經搜剔，名為休養，仍滋蠹蠹。老奸巨猾盤據為害，獎深於下而澤不究於上，所從來矣。試舉其畧：國初法意主嚴，事率引例，故遣戍獨多。每一州縣無不以千數計，積傳至今，有一邑而萬計者，此為千為萬之家。相傳二百五十餘年，子孫之消長，家業之興廢，滄桑不知幾變，乃按籍而稽軍丁者如故也。當未奉勾單之日，人以為於樹無相涉也，然孰意十年則有堯底冊之攢造乎？五年則有繼丁冊之攢造乎？此二冊者，紙張筆墨何以出，患花派之無名乎？抄寫工食何以給，患需索之無術乎？有派有索而民擾可知已，然此猶論於無事之時也。一奉勾單，所勾多不過三四名，少不過一二名耳。部檄一下，縣票隨出，追呼



臨門舉家驚懼巧者百計營脫悍者健足竄避展轉結勘乃得一丁起解而軍裝之措置軍妻之僉娶長解之路費卒然科歛紛紜告擾一家之人肝腦塗地矣然此猶論於有丁之家也其有丁盡產絕無從勾補單到之日有司漫難申覆不得行查取給於是無親房則問族屬無族屬則問里長產業指東畫西姓名移花接木得錢即始為回銷無賄仍不與開除一苗嚇詐何異劫擄然此猶論於勾單之有據者也甚至單中所載有姓名而無住址有縣分而無都圖事涉渺茫莫可窮詰則乃遍行搜查此都盡復尋之彼都一里完又覓之他里捕風捉影沿門挨戶究竟終是烏有初發不勝株連徒飽差腹何益行伍然此猶係奉勾之不能已者也至若積年奸書通同清軍縣丞衙老蠹家藏底冊世傳衣鉢自恃慣熟幾如狐之憑城民畏簸弄恰似羊之見虎歲時買求各有定額即無單勾之事亦